

佛说佛医经

吴沙门竺律炎共支越译



南無本師釋迦牟尼佛

说明

本简体校正版《佛说佛医经》电子书，根据《高丽大藏经》西土贤圣集，第 0998 部，吴天竺沙门竺律炎共支越译《佛说佛医经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年十二月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说佛医经

吴沙门竺律炎共支越译¹

人身中本有四病：一者、地；二者、水；三者、火；四者、风。风增，气起；火增，热起；水增，寒起；土增，力盛。本从是四病，起四百四病。土属身，水属口，火属眼，风属耳。火少寒多，目冥。春正月、二月、三月寒多，夏四月、五月、六月风多，秋七月、八月、九月热多，冬十月、十一月、十二月有风有寒。何以故春寒多？以万物皆生，为寒出，故寒多。何以故夏风多？以万物荣华，阴阳合聚，故风多。何以故秋热多？以万物成熟，故热多。何以故冬有风有寒？以万物终亡热去，故有风寒。

三月、四月、五月、六月、七月得卧。何以故？风多故身放。八月、九月、十月、十一月、十二月、正月、二月不得卧。何以故？寒多故身缩。

春三月有寒，不得食麦、豆，宜食粳米、醅

¹ 大正藏：吴天竺沙门竺律炎共支越译

翻诸热物。夏三月风²，不得食芋、豆、麦，宜食粳米、乳、酪。秋三月有热，不得食粳米、醍醐，宜食细米、麩、蜜、稻、黍。冬三月有风寒，阳与³阴合，宜食粳米、胡豆、羹、醍醐。有时卧风起，有时灭；有时卧火起有时灭。有寒起有时灭。

人得病有十因缘：一者、久坐不饭；二者、食无节；三者、忧愁；四者、疲极；五者、淫泆；六者、瞋恚；七者、忍大便；八者、忍小便；九者、制上风；十者、制下风。从是十因缘生病。

佛言：“有九因缘，命未当尽为横尽：一、不应饭为饭；二、为不量饭；三、为不习饭；四、为不出生；五、为止熟；六、为不持戒；七、为近恶知识；八、为入里不时不如法行；九、为可避不避。如是九因缘，人命为横尽。

“不应饭为饭，谓不可意饭，亦谓不随四时食，亦为已⁴饭复饭，是为不应饭为饭。不量饭者，谓不知节度，多食过足，是为不量饭者⁵。不习饭者，谓不时食。若至他郡国，不知俗宜饭食未习，不稍稍饭，是为不习饭。不出生者，谓

² 大正藏：有风；永乐北藏及龙藏：风

³ 大正藏：兴；永乐北藏及龙藏：与

⁴ 大正藏：以；永乐北藏及龙藏：已

⁵ 大正藏：饭；永乐北藏及龙藏：饭者

饭物未消复上饭，若服药吐下不尽便食来，是为不出生。止熟者，谓大便、小便来时不即时行，噫吐、下风来时，制是为止熟。不持戒者，谓犯五戒，现世间盗，犯他人妇女者，便入县官，或刻、或死、或得梃榜压死、若饿死、或得脱外从怨家得首死、或惊怖忧愁死，是为不持戒。近恶知识者，谓他人作恶便来及人。何以故？不离恶知识故。恶人不计当坐之，是为近恶知识。入里不知时不如法行者，谓晨暮行，亦有魍魉诤斗者，若有长吏追捕而不避，若入他家舍，妄视不可视、妄听不可听、妄犯不可犯、妄念不可念⁶，是为入里⁷不知时不如法行。为可⁸避不避者，谓弊牛、马、豸⁹、狗、虻、蛇、虫，水、火、坑、穿、犇车、驰马，拔刀醉人、恶人。亦余¹⁰若干，是为可避不避。

“如是九因缘，人命未尽为尽。黠人当识是，当避是，已避得两福：一者得长寿，乃¹¹得闻道好语，亦得久行道。”

佛言：“有四饭：一、为子饭；二、为三百

⁶ 大正藏：妄念不可念；永乐北藏及龙藏：不可念；校勘：妄念不可念

⁷ 大正藏：入；永乐北藏及龙藏：入里

⁸ 大正藏：可；永乐北藏及龙藏：为可

⁹ 大正藏：豸；永乐北藏及龙藏：豸

¹⁰ 大正藏：亦；永乐北藏及龙藏：亦余

¹¹ 大正藏：及；永乐北藏及龙藏：乃

矛斫饭；三、为皮革虫生出饭；四、为灾饭。子饭者，谓人贪味食肉时，便自校计念：‘是肉皆我前世时父母、兄弟、妻子亲属，亦从是不得脱生死！’已得是意便止贪，是为子饭。三百矛斫饭者，谓饭随味念复念其殃，无有数能不念味便得脱。又矛斫人为亡身，已生念复念有若干受苦，为三百矛斫饭。皮革虫生出饭者，谓人念味，亦一切万物忧家中事，便穿人意，意作万端为出去，是为皮革虫生饭。灾饭者，谓一生死行皆为灾饭，如火烧万物，人所行皆当来脑¹²身，剧火烧¹³万物故言灾。所以言饭者，谓人所可意念人，故言饭也。

“人食肉譬如食其子，诸畜生皆为我作父母、兄弟、妻子，不可数。亦有六因缘不得食肉：一者、莫自杀；二者、莫教杀；三者、莫与杀同心；四者、见杀；五者、闻杀；六者、疑为我故杀。无是六意得食肉，不食者有六疑。人能不食肉者，得不惊怖福。”

佛言：“食多有五罪：一者、多睡眠；二者、多病；三者、多淫；四者、不能讽诵经；五者、

¹² 大正藏：恼；永乐北藏及龙藏：脑

¹³ 大正藏：焚；永乐北藏及龙藏：烧

多著世间。何以故？人贪淫、人知色味，瞋恚知横至味，痴人知饭食味。律经说：‘人贪味，味复味复¹⁴生不得美味。’”

佛言：“一食者为欲断生死，亦堕¹⁵贪不能行道，为得天眼自知所从来生去至何所。人不念死，多食，常念妇人，皆堕百四十恶，中天¹⁶皆用饭故。犯十恶后生便失人形，堕畜生中。既得作人，饥渴血出，瞋恚傍生，于爱内生于贪。佛说有大福，自饥以饭与人，令人得命，是为大福。后生饶饮食，乏瞋恚，亦无所施，亦¹⁷不得，但意恣贪淫，亦无所施，但得意恣，非我所有。一钱以上，不得取故，作贪欲空，自苦作罪。道人不得有忧愁，忧随怒，愁随贪。我辈有死岁、有死月、有死日、有死时，亦不知、亦不畏、亦不行道、亦不持戒，东走西走，忧铜忧铁，忧田宅、奴婢，但益人恼、增人苦，为种畜生习。”

佛言：“人治生，譬如蜂作蜜，采取众华，勤苦积日已成，人便攻取去，唐自苦，不得自给。人求是念，是忧有忧，无饥渴勤苦。合聚财物，未死，忧五家分，或水、火、盗贼、县官、病痛，

¹⁴ 大正藏：得；永乐北藏及龙藏：复

¹⁵ 大正藏：随；永乐北藏及龙藏：堕

¹⁶ 大正藏：天；永乐北藏及龙藏：天

¹⁷ 大正藏：施亦；永乐北藏及龙藏：亦

多不如意；已死，他人得之，身当得其罪，毒痛不可言。五分者：一者、火分；二者、水分；三者、盗贼分；四者、县官分；五者、贫昆弟分。何为无忧所有？人不计是五分忧，苦剧不弃，是忧苦有万端，结在腹中，离道远法。人法生价¹⁸作，得利，不当喜；不得利，亦不当忧，是皆前世宿命所致。人有贪，贪便不得利。正使得一天下财物，亦不能猛自用之，亦不随人去，但益人结，但有苦恼，但种后世缘因。缘因如火，如火无所不烧。我辈不觉，是点¹⁹不敢妄采²⁰，知为增苦种罪。”

佛说佛医经

¹⁸ 大正藏：贾；永乐北藏及龙藏：价

¹⁹ 大正藏：黠；永乐北藏及龙藏：点

²⁰ 大正藏：摇；永乐北藏及龙藏：采

● 结诵仪

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼嚩. 娑麼嚩. 弭麼曩. 萨嚩诃. 摩诃斫
迦嚩嚩吽.

南無本师释迦牟尼佛 (合掌三称)

南無护法诸天菩萨 (合掌三称)

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

十方三世一切佛. 一切菩萨摩诃萨. 摩诃般
若波罗蜜

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

